



COMUNE DE TERRANOA

PROVÌNTZIA DE TÀTARI

ZONA OMOGÈNEA TERRANOA-TÈMPIU

Setore Promotzione de sa Cultura, de s'Isport, de su Turismu e de s'Istruzione
Servìtziu Cultura e Isport

S U DIRIGENTE DE SU SERVÌTZIU CULTURA E ISPORT

BIDU s'art. 118 de sa Costituzione;

BIDU s'art. 12 de sa Lege 7 de su mese de austu de su 1990 n.241 e ss.mm.ii.;

BIDU s'art. 44, comma 3, de s'Istatutu de su Comune de Terranoa;

BIDU su Regulamentu comunale pro sa cuntzessione de contributos, patrotzìnios e àteros benefìtzios econòmicos aprovalu cun Deliberatzione de su Consìgiu Comunale n.19 de su 16 de su mese de frearzu de su 2015, e ss.mm.ii.;

BIDA sa Deliberatzione de sa Giunta Comunale n.9 de su 11 de su mese de ghenarzu de su 2023, chi si narat *“Atu de giassu pro sa determinatzione de sos crìterios, àmbitos e prioridades pro s'erogatzione de sos contributos ordinàrios pro sos assòtzios culturales, sena motivos de balanzu, chi s'agatant in su territòriu comunale in s'annu 2023. Tzentru de costu 7000068”*

BIDA sa Determinatzione de su Dirigente de su Setore Cultura, Pùblica Istruzione e Isport n.143 de su 12 de su mese de ghenarzu de su 2023, chi si narat: *“Aprovu de su Bandu pùblicu, modulìstica e cunfirma prenotatzione impignu, pro sa cuntzessione de contributos ordinàrios pro sos assòtzios culturales, sena motivu de balanzu, chi s'agatant in su territòriu comunale - annualidade 2023. Tzentru de Costu 7000068”*;

emitet su

BANDU PÙBLICU

PRO S'EROGATZIONE DE CONTRIBUTOS ORDINÀRIOS PRO SOS ASSÒTZIOS CULTURALES, CHI NO ANT MOTIVU DE BALANZU, CHI SUNT IN SU TERRITÒRIU COMUNALE – ANNU 2023

Art. 1 – TOTALE DE SA DISPONIBILIDADE FINANTZIÀRIA

Su totale de sos contributos ordinàrios pro sa cultura, annualidade 2023, est de èuros 40.000,00 (èuro baranta-miza/00) .

Art. 2 - SUGETOS E CUNTESTOS

Podent fàghere sa dimanda de contributu sos assòtzios culturales sena motivu de balanzu, chi ant custos rechisidos:

- ant organizadu in sos annos 2021/2022, a su nessi n.4 manifestatziones, pro totus sa zente (de gratis o paghende), aende fatu, in antis, unu comunicadu istampa e/o una comunicatzione pro sos sugetos comente sas iscolas o àteros entes pùblicos);
- sos atos costitutivos e/o sos istatutos sunt istados fatos in forma de atu pùblicu o comente iscritura privada autenticada o registrada;
- istant o faghent sas atividades in su territòriu de su Comune de Terranoa;

- sunt nàschidas o sunt registradas dae a su nessi n.2 annos solares in antis de s'annu de su contributu rechestu;
- fagherent sas atividades in unu o in prus de unu de custos cuntostos o disciplinas culturales:
 - mùsica: cuntzertos o fatas de mùsica (clàssica, jazz, pop, acùstica, traditzionalesarda, folk, etc.);
 - teatru: ispetàculos e rassignas teatrales, teatru pro sos piseddos, teatru de istrada, teatru chi faghet a rière, teatrude marionetas;
 - dantza: fèstival, ispetàculos de dantza, eventos in ue si pràticat sa dantza;
 - tzìnema: rassignas tzinematogràficas, projetziones;
 - artes e cultura de sa comunicatzione: mustras, seminàrios, incontros formativos pro sas matèrias artìsticas(artes visivas, gràficas e artesanadu artìsticu);
 - animatzione: animatziones pro sos piseddos, sos giòvanos, pro sas famìlias e pro sos prus mannos, ispetàculos de istrada, atividades ligadas a su tzircu;
 - percursos educativos - formativos pro sos piseddos minores e sos piseddos prus mannitos: recùperu de sos giogos e de sos traballos prus antigos, cursos in sos cuiles de sos animales, cursos de terapias de animales.

Art. 3 - ASSIGNATZIONE DE SOS PUNTÈGIOS

Su contributu at a èssere dadu solu a sas atividades fatas dae sos assòtzios, dae su primu de su mese de ghenarzu de su 2023 a su 31 de su mese de nadale de su 2023, in su territòriu comunale, segundu custu puntègiu:

1. PROGETOS CUN ISTITUTOS ISCOLÀSTICOS

A s'assòtziu chi at interessadu, durante s'annu, sas iscolas de su territòriu comunale in progetos culturales de formatzione e de educatzione a custas disciplinas, in ue ant partetzipadu piseddos e/o giòvanos de un'edade tra sos 3 e sos 16 annos, ant a èssere dados:

- 1 Puntu pro ogni classe de s'iscola chi at partetzipadu, finas a unu màssimu de 10 Puntos.

Su fatu chi est istada fata a beru s'atividade, devet èssere cunfirmadu cun una tzertificatzione fata dae s'iscola chi at partetzipadu a su/sos progetu/os e devet èssere relativa a manera obligatòria a s'annu 2023.

2. PROGETOS DE INCLUSIONE SOTZIALE

A s'assòtziu chi at organizadu progetos culturales dedicados a s'inclusionesotziale de sos disàbiles in su territòriu comunale, in collaboratzione cun assòtzios o entes pùblicos e/o privados ativos pro sa tutelae sa cura de sos disàbiles, ant a èssere dados:

- 1 Puntu, pro ogni progetu chi at interessadu sugetos disàbiles o cun problemas mentales e fisico, finas a unu màssimu de 10 Puntos.

Perunu puntègiu at a èssere dadu si su progetu no interessat cun sos fatos sos chi sunt disàbiles. S'acumprimentu efetivu de custa atividade posca devet èssere cunfirmada cun una tzertificatzione, fata dae sos assòtzios o dae sos entes pùblicos e/o privados a manera generale ativos in sa tutela e in sa cura de sos chi ant handicap mentales o fisicos o puru sensoriale.

3. PLURALIDADE DE SOS PROGETOS

A s'assòtziu chi faghet su nùmeru prus artu de iniziatiavas culturales ant a èssere dados:

- 2 Puntos , si sos progetos ant a èssere n.3;
- 1 Puntu in prus pro ogni àteru progetu fatu, finas a unu màssimu de 10 Puntos.

Non si dant puntos si non s'arribat a 3 progetos. Si su progetu si faghet, custu devet èssere cumproadu cun una documentatzione (pro esèmpiu: rassigna istampa, materiale pubblizitàriu o carchi cosa chi cumproat chi est istadu fatu).

4. ISTÒRIA DE S'INITZIATIVA

A s'assòtziu chi at organizadu sa matessi atividade culturale prus bortas in àteros annos si dat:

- 2 Puntos si s'editzione de custu annu est sa de tres;
- 1 Puntu in prus pro ogni àtera editzione fata, finas a unu màssimu de 10 Puntos.

Non si dant perunu puntu si su nùmeru de sas editziones no arribat a tres. Si si sunt fatas prus iniziatiavas in su tempus, pro assignare custu puntègiu at a èssere leada a cunsideru cussa chi at su nùmeru prus artu de editziones.

Si s'editzione est istada fata, custa devet èssere cunfirmada dae sa documentatzione (pro esèmpiu rassigna istampa, materiale pubblizitàriu o carchi cosa chi cunfirmat chi s'eventu est istadu fatu).

5. INITZIATIVAS DE VALORE SOTZIALE

A s'assòtziu chi in su territòriu comunale faghet iniziatiavas culturales pro promòvere sos deretos de sos piseddos, su multi-culturalismu, su valore de sas diferèntzias, s'inclusionu sotziale e su rispetu pro sos àteros, si dant:

- 2 Puntos, si sos progetos realizados sunt n.2;
- 1 Puntu in prus pro ogni àteru progetu fatu, finas a unu màssimu de 10 Puntos.

Non si dat perunu puntu si su nùmeru de sos progetos no arribat a 2. Sa cunfirma chi custas atidades sunt istadas fatas devet èssere dada dae una documentatzione (pro esèmpiu: rassigna istampa; materiale pubblizitàriu o carchi cosa chi proat chi s'atividade est istada fata).

6. LIVELLU DE ISPESA SUSTENTADU PRO PUBLITZIDADE E

A s'assòtziu chi sustenet ispesas de publitizidade, pro promòvere sa/sas atividades culturale/les, si dant:

- 2 Puntos, si s'ispeza de s'assòtziu, pro promòvere sa/sas atividades culturale/s, est de su 10% de su totale de s'ispeza sustentadu pro fàghere custas;
- 5 Puntos, si s'ispeza de s'assòtziu, pro promòvere sa/sas atividades culturale/s, est intra a su 10% e su 30%, de su totale de s'ispeza sustentadu pro fàghere custas;
- 10 Puntos, si s'ispeza de s'assòtziu, pro promòvere sa/sas atividades culturale/s, est de unu totale cabale o prus de su 30%, de su totale de ispeza sustentadu pro fàghere custa/custas;

Non si dat perunu puntègiu si su totale sustentadu pro sa publitizidade de sa/sas atividades culturale/les, no arribat a su 10% de su totale de s'ispeza sustentadu pro fàghere su/sos progetu/os. S'ispeza chi, a manera bera, est istada sustentada pro sa publitizidade de sa/sas atividades culturale/es fata/as, divent èssere cumproada cun sa documentatzione (pro esèmpiu: fatturas e/o estremos de pagamentos relativos a sas ispesas pro sa publitizidade: insertziones – annùntzios – istampas, locandinas - ispesas A.S.P.O., ultres a sa rassigna istampa; materiale publitizitàriu o cussu chi est ùtile pro cunfirmare chi s'atividade est istada fata.

7. CUNSIGHÈNTZIA INDIRETA IN SU SISTEMA PRODUTIVU – RITZETIVU

A s'assòtziu chi at organizadu manifestatziones/eventos culturales chi ant batidu cunsighèntzias indiretas in su sistema produtivu – ritzetivu locale sunt dados:

- 2 Puntos, si sos artistas arribados pro s'eventu chi sunt istados in sas istruturas de su territòriu comunale sunt istados a su nessi n.5;
- 1 Puntu in prus pro ogni àteru artista chi est istadu in sas istruturas ritzetivas de su territòriu comunale in s'ora de s'eventu, finas a unu màssimu de 10 puntos.

Non si dat perunu puntu si su nùmeru de sos artistas chi bi sunt istados no arribat a n.5.

Si sa permanèntzia b'est istada, custa devet èssere proada cun una decraratzione sostitutiva chi cumproat chi sos artistas sunt istados in custas istruturas, indichende su nùmeru e sa data de sa retzida o sa fattura.

8. LIVELLU DE AUTO-FINANTZIAMENTU

A s'assòtziu chi, gràtzias a unu livellu de auto-finantziamentu artu o a sa capatzidade de àere àteras intradas de finantziamentu siat pùblicas, chi privadas, permitit a sos tzitadinos de assistire e/o partetzipare da gratis a sas atividades o iniziatives culturales organizzata dae issa, ant a èssere dados:

- 2 Puntos, si sas atividades o iniziatives culturales de gratis sunt istadas n.3;
- 1 Puntu in prus pro ogni àtera atividade o iniziativa culturale de gratis, finas a unu màssimu de 10 dies.

Non si dat perunu puntègiu si su nùmeru de sas atividades culturales de gratis no arribat a n.3.

Si custas atividades sunt istadas fatas, divent èssere cumproadas cun una documentatzione (pro esèmpiu: rassigna istampa; materiale publitziariu o cussu chi est ùtile pro proare chi s'atividade est istada fata.

9. N Ò M E R U D E S A S P E R S O N E S I N T E R E S S A D A S A S ' A T T I V I D A D E

A s'assòtziu chi est resèssidu a interessare su nùmeru prus artu de artistas in s'organizatzione de sos progetos ant a èssere dados:

- 2 Puntos, si sos artistas interessados in sos progetos sunt istados n.5;
- 1 Puntu in prus pro ogni àteru artista interessadu a sos progetos, finas a unu màssimu de 10 puntos.

Perunu puntu benit dadu si su nùmeru de sos artistas interessados in sos progetos no arribat a n.5.

Art. 4 - F Ò R M U L A D E S U C À R C U L U D E S U C O N T R I B U T U

Su totale de su contributu de dare a ogni assòtziu at a èssere carculadu partzende su totale de cussu de dare pro su totale de sos puntègios àpidos dae totus sos assòtzios e multiplichende su cuotziente otènnidu pro su puntègiu dadu a ogni assòtziu, segundu custa fòrmula:

$$C_a = \frac{C_s}{P_t} \times P_a$$

In ue:

C_a = contributu de dare a ogni assòtziu;

C_s = contributu de dare in totu;

P_t = totale de sos puntègios àpidos dae sos assòtzios;

P_a = puntègiu àpidu dae ogni assòtziu a sa sola.

Art. 5 - E S C L U S I O N E S

Sunt esclusos sos assòtzios chi ant, a manera direta o indireta, s'obietivu de balanzare, sos assòtzios chi ant finalidades de partidu o elettorales, sos assòtzios chi ant finalidades o modalidades proibidas dae sa lege, sos assòtzios chi no ant sos rechisidos de s'art.2 e totus sos assòtzios chi ant s'atu costitutivu e/o s'istatutu chi no est istadu registradu a manera regolare, a sa data de custu Bandu, in s'Agentzia de sas Intradas de su territòriu.

Art. 6 - T I P O L O G I A D E S U C O N T R I B U T U

Custu contributu si dat solu tràmite dinari.

Su totale de su contributu dadu non podet èssere prus artu de su limite pertzentuale indicadu in su "Regulamentu comunale pro cuntzèdere sos contributos, sos patrotzìnios e àteros benefìtzios econòmicos, aprovalu cun sa Deliberatzione de su Consizu Comunale n.19 de su 16 de su mese de frearzu de su 2015 e ss.mm.ii. .

Pro cuntzèdere su contributu, non sunt cunsideradas sas ispesas relativas a sas prestatziones de su beneficiariu, de sos dipendenti suos a cale si siat tìtulu, de sòtzios o aderentes, finta sas ispesas pro imputare sas atrezaduras o sos impiantios de propiedade de su beneficiariu o chi in ogni casu traballant de gratis pro isse. Non sunt cunsideradas ammissìbiles sas ispesas fatas dae su beneficiariu pro sa disponibilidade e su funtzionamentu de sa sede legale. Podent èssere rendicontadas sas collaboratziones ativas solu pro fàghere atividades cun s'esclusione de sos sugetos indicados subra.

Non sunt ammissìbiles finas sas boghes de ispesa:

- a. de rapresentàntzia e de liberalidade de cale si siat gènere: ritzevimentos, incontros informales, gitas turísticas, donos o cosas sìbiles;
- b. de achistu de benes chi durant chi ant a ismanniare su patrimoniu de su beneficiariu;
- c. de sos traballos de adeguamentu e/o de ristrutturatzione de sos campos de gara o de sos impiantios;
- d. ispesas pro mandigare, francu cussas chi fiant netzessàrias pro fàghere s'atividade ammissa dae su contributu (in custu casu si devet allegare, ultres a su totale de sas ispesas finas una nota chi las atestat);
- e. ispesas telefònicas (bulletas e/o ischedas telefònicas);
- f. ispesas documentadas cun sas retzidas fiscales, si no ant s'atestatzione de su frunidore.

Si faghet ischire, in prus, chi non sunt leadas a cunsideru sas ispesas chi non sunt craras e/o iscritas a sa minuda (in custu casu si devet allegare, ultres a sos documentos de ispesa, una nota chi faghet a bìdere custas esplicative). Sas ispesas pro mandigare e pro istare in sos albergos cun màssimu 4 isteddadas devent èsserefatassolu in su perìodu in ue si faghet s'atividade e si devent riferire solu a sos artistas e/o a sos tècnicos chi sunt istados a manera personale in sa manifestatzione permitende de la fàghere, in ue sa prestatzione faghet parte de su programma aprobadu, semper chi non sunt residentes in sas localidades in ue si faghent sas atividades.

Art. 7 - TÈRMINES

Sa dimanda devet èssere fata, **si nono at a èssere escludia**, a su Protocolu Generale de su Comune de Terranoa:

dae sas noe de manzanu (h.09.00) de lunis 23 de su mese de ghennarzu de su 2023, finas a mesu die (h.12.00) de chenàbura 3 de su mese de martu de su 2023.

In ogni casu est leada a cunsideru sa data e s'ora de s'arrivu de sa dimanda a su Protocolu Generale. Si sa dimanda s'imbiat tràmite sas postas o tràmite sa posta eletrònica tzertificada s'at a leare a cunsideru sa data e s'ora de arrivu a s'Ufitziu Protocolu Generale.

Non si leant a cunsideru sas dimandas chi no arribant in tempus o si sunt imbiadas a unu ufitziu diferente dae cussu indicadu.

Sa presentatzione de sa dimanda est de responsabilidade esclusiva e completa de chie la faghet e in perunu casu s'Amministratzione chi la devet retzire at a èssere responsàbile si custa no arribat in tempus o si no arribat a nudda, finas si sa culpa est de su servìtziu postale.

Art. 8 – MODALIDADE

Sa dimanda (BÌDERE S'ALLEGADU 1), cun sa marca de bullu, e sos allegados relativos iscritos suta podent èssere presentados de pessone a s'Ufitziu Protocolu (s'ammentat chi sos oràrios pro abèrrere a su pùblicu sunt: dae su lunis a su chenàbura dae sas noe de manzanu (h.09.00) finas a mesu die (h.12.00) e su lunis e su mèrcuris dae sas tres e mesa de sero (h.15.30) a sas chimbe e mesa de sero (h.17.30), tràmite PEC a su situ internet protocollo@pec.comuneolbia.it , o puru mandadas cun sa posta a custu indirittu: Comune de Terranoa (SS) , carrera Garibaldi,49 – Cap. 07026 .

Sa dimanda devet èssere fata a manera obligatòria, si nono benit escludia, cun su mòdulu chi est in su Servitziu Cultura e Isport, chi est in s'Ufitziu pro su Tzitadinu e in su situ Internet ufiziale de su Comune de Terranoa, ma paris a issa bi divent èssere custos documentos:

Allegadu 2

Foto-còpia de unu documentu de identidade vàlidu.

Sos chi faghent sa rechesta non podent presentare prus de una dimanda de contributu pro un'annu.

Art. 9 - CRITÈRIOS

Sos contributos ordinàrios sunt determinados in su totale issoro dae su Dirigente de s'istruutura cumpetente, cun sa determinatzione sua, in sos lìmities de sas resursas disponìbiles in su Bilàntziu, lende a cunsideru sos indiritzos, sos critèrios e sos puntègios chi bi sunt in su bandu.

Su provedimentu naradu subra, devet àere su nùmene de totus cussos chi ant fatu sa rechesta, motivende, pro ognunu, in relatzione a sa cuntzessione relativa, o a sa motivatzione de non la dare.

Art. 10 – COMENTE S'AT A DARE SU CONTRIBUTU

Su contributu at a èssere dadu solu in una manera. Pro lu àere, sos sugetos benefitziàrios de su contributu, intro a su tèrmine istabilidu dae su Dirigente de s'istruutura cumpetente, divent presentare (si nono benit escludia):

- a) una relatzione finale, chi at a èssere comente una decraratzione de tzertificatzione e de atu notòriu, comente est iscritu in su D.P.R. 445/2000, in ue bi sunt totus sos elementos chi permitint, in base a sos critèrios indicados in su bandu, una valutatzione totale de s'iniziativa o de s'atividade in ogetu de su contributu pro assignare su puntègiu indicadu in su bandu;
- b) una rendicontatzione econòmica de s'iniziativa o de s'atividade in ogetu de su contributu, comente chi siat una decraratzione sostitutiva de tzertificatzione e de atu notòriu, prevista dae su D.P.R. 445/2000, chi faghet a bìdere sos datos econòmicos de totus sas fontes de intradas retzidas dae su sugetu benefitziàriu de su contributu e totus sas ispesa fatas dae custu in sa matessi atividade. Sa rendicontatzione devet àere, a manera particolare, solu sas ispesas, afiotadas in macro-boghes, indicadas comente ammissìbiles dae custu regulamentu e indicare pro ogni documentu: sa natura sua, su sugetu chi l'at emìtidu, su nùmeru, sa data e su totale siat a su netu, siat cun sas impostas incluidas, sas tassas, sos òneres contribuidos o previdenziales chi a manera eventuale si divent dare;
- c) una decraratzione sostitutiva de tzertificatzione, ligada a sos senso de su D.P.R. 445/2000, chi faghet ischire cales, tra sos documentos de s'ispeza indicados in sa rendicontazione econòmica presentata, giustificant s'erogatzione de su contributu comunale dadu, cun s'impignu dislindadu a non presentare sos matessi a àteros entes pùblicos o privados pro su matessi obietivu;
- d) o puru unu de custos documentos:
 - I. una fideiussione bancària, o pòlitza assicurativa fideiussòria, o una fideiussione emìtida dae unu Intermediàriu Finanziàriu iscritu in su cuadru relativu a s'artìculu 106 de su decretu legislativu 1° de su mese de cabidanni de su 1993, n.385, cun unu valore aguale a su totale de su contributu dadu, emìtidu pro s'Amministrazione Comunale comente garanzia de su totale de erogare, chi at:
 - sa rinùntzia espressada de su benefitziu de s'escussione preventiva de su depidore printzipale, sa rinùntzia a s'etzetzione relativa a s'art.1957, comma 2 de su C.C. e s'operatividade sua intro a 15 dies cun una rechesta sèmplitze iscrita dae s'Ente;

- valididade a su nessi de un'annu comintzende dae sa data de presentatzione de sa documentatzione narada in sas lìteras: a), b) e c).

O puru:

- II. sa còpia de sas fatturas, de sas retzidas fiscales e de sos àteros documentos de ispesa, chi divent:
 - sos matessi de cussos indicados in sa decraratzione de sa lìterac);
 - èssere in règula cun sa normativa fiscale;
 - àere sa retzida a manera regolare, in sos casos e in sos lùmites de sa lege, o puru àere, in àteros casos, una còpia de s'estratu de su contu bancàriu o postale chi cunfirmat chi su pagamentu est istadu fatu. Pro respetare sos òbligos relativos a sa reperibilidade de sos movimientos finantziàrios previstos dae s'art.3, co. 7, de sa lege 136/2010, totus sos pagamentos divent derivare dae su contu corrente indicadu dae su beneficiariu pro retzire sos contributos pùblicos.

- e) una còpia de sa rassigna istampa e de su materiale pubblizitàriu si custu est istadu produidu (locandinas,invitos, catàlogos, etc.).
- f) rendicontu econòmicu e finantziàriu de su 2022, aprovalu a manera regolare dae su/sos òrgano/os de s'assòtziu cun in prus su verbale de assemblea cando est istadu aprovalu dae s'istatutu de s'assòtziu.

Si non b'est totu sa documentatzione indicada intro su tèrmine, su contributu non si podet àere.

Si sas atividades o sas iniziatives ammissas a su contributu non sunt istadas cumpletadas, su Dirigente de s'istruutura relativa, motivende cun unu provedimentu, faghet diminuire su contributu lende a cunsideru su puntègiu nou dadu, faghende, in ue est dàbile, una divisione noa de sos totales disponìbiles pro totus sos benefitziàrios, segundu sa fòrmula indicada ins'artìculu 4 de custu Bandu. S'erogatzione de su contributu est suspesa si su benefitziàriu resurtat depidore de su Comune, finas a cando su dèpidu est chitidu. Si dat in ogni casu sa possibilitade de chitare su dèpidu cumpensende cun su benefitziu dadu.

Art. 11 - REGIME FISCALE

A su contributu si àplicat sa ritenuta de acuntu in sos casos de sa normativa chi b'est e in base a cussu decraradu dae sos benefitziàrios cando dimandat su contributu.

Art. 12 - VERIFICAS SI SA DOCUMENTATZIONE EST BERA

Posca de sa licuidatzione, su Dirigente de s'istruutura piscat su campione de su 10% de sos benefitziàrios, tra cussos in ue si divent controllare a manera puntuale comente b'est iscritu in s'artìculu 71 de su DPR 445/2000, in sas formas de su controllu de s'acumprimentu de s'iniziativa o de s'atividade ammitida a su contributu e de sa verifica de sa documentatzione de ispesa in sa sede de su benefitziàriu o, tràmite rechesta, pro mèdiu de sa cunsigna de custa dae su benefitziàriu a s'istruutura Comunale chi dat su contributu. Si b'at cosas chi non torrant tra sas decraratziones naradas dae su benefitziàriu e sa documentatzione dada, si faghet ischire a sos òrganos cumpetentes pro sas sanziones de fàghere previstas dae sos artìculos 75 e 76 de su Capu 6° de su DPR 28 de su mese de nadale de su 2000, n.445, cunsiderende sos elementos chi non sunt regulares e a s'esclusione dae sos contributos comunales de su sugetu benefitziàriu pro s'annu posca de s'assignatzione.

Su Dirigente de s'istruutura cumpetente at a fàghere sos controllos in totus sos casos in ue naschent dùbbios, si sas decraratziones sostitutivas presentadas sunt beras.

Pro custu, s'ammentat sas normas chi bi sunt in matèria:

- sa documentatzione de s'ispesa in originale devet èssere remunida in su domitzìliu fiscale de su benefitziàriu pro unu perìodu de 5 annos dae cando finit s'iniziativa;
- sas fatturas, sas retzidas fiscales e sos àteros documentos de ispesa divent:
 - essere aguales a cussos de sa decraratzione relativa a s'art.10, co. 2, lit. b);
 - èssere in règula cun sa normativa fiscale;
 - àere àpidu a manera regolare sa retzida, in sos casos e in sos lìmities ammissos dae sa lege o acumpanzados, in sos àteros casos, dae una còpia de su contu bancàriu o postale chi cunfirmat chi su pagamentu est istadu fatu. Cun s'obietivu de respetare sos òbligos de sa reperibilitade de sos movimenti finantziàrios previstos dae s'art.3, co. 7, de sa lege 136/2010, totus sos pagamenti divent èssere fatos dae su contu corrente de su benefitziàriu chi est istadu seberadu pro àere sos contributos pùblicos.

Sos benefitziàrios divent fàghere atenzione a respetare sas normas, finas fiscales, chi bi sunt, pro evitare chi su totale de sas giustificatziones de ispesa chi non sunt regulares siat bogadu dae su totale de sas ispesas ammissas, cun sa possibilitade de recuperare su contributu cuntzessu.

Art. 13 – RAPORTOS CUN SOS CHI ASSIGNANT

In su casu de cuntzessione de sos contributos su Comune est a fora de cale si siat relatzione o obligatzione chi naschet tra su beneficiariu de su contributu e àteros sugetos, pro fruniduras de benes e prestatziones de servìtzios, collaboratziones professionali e cale si siat àtera prestatzione. Su Comune no at a àere a, pro perunu motivu, peruna responsabilidade in s'organizatzione e in sa realizatzione de sas manifestatziones, sas iniziativas e sos progetos in ue isse devet dare contributos econòmicos.

Art. 14 - DECADÈNTZIA

Non ant a èssere cunsideradas sas dimandas de contributu fatas posca de s'iscadèntzia de sos tèrmines previstos dae su bandu o presentadas cun mòdulus diversos dae cussa indicada in s'artìculu 8.

Art. 15 - PUBLITZIDADE

Custu Bandu at a èssere publicadu in su Situ Ufitziale de su Comune de Terranoa, postu in su Cuadru Pretòriu On-Line de su comune **dae lunis 23 de su mese de ghennarzu de su 2023 a chenàbura 3 de su mese de martu de su 2023.**

Art. 16 - TRATAMENTU DE SOS DATOS PERSONALES

Titulare de su tratamentu de sos datos: Comune de Terranoa, in sa persone de su Sìndigu pro tempore, legale rapresentante, Carrera Dante, 1, 07026 – Terranoa (SS) privacy@comune.olbia.ot.it.

Responsabile de sa Protetzione de sos Datos (RPD): su Responsabile de sa protetzione de sos datos est su RPD nominadu a manera apòsita, assistidu dae s'Ufìtziu comunale Protetzione de sos Datos, coordinadu dae su Segretàriu Generale de su Comune, e-mail rp@comune.olbia.ot.it. Finalidade de su tratamentu: custu mòdulu est indirizadu a su bandu pùblicu pro s'erogatzione de sos contributos ordinàrios pro sos assòtzios culturales, chi no ant motivu de balanzare dinari, chi istant in su territòriu comunale – annu 2023.

Base giurìdica de su tratamentu: esertzìtziu de sos podèrios pùblicos, a sos sensos de s'art.1, com.2 lit.a) de su D.L. n.76/2020.

Tipologia de sos datos: sos datos anagràficos, personales numèricos, de identificatzione personale, e-mail, dados tràmite custu mòdulu, ant a èssere ogetu de tratamentu dae su Servìtziu Cultura e Isport, pro arribare a sos obiettivi istituzionales connossos.

Diritos de s'interessadu: su tratamentu de sos datos at a èssere fatu tràmite sos istrumentos informàticos a parte sos manuales e sos suportos de pabiru, dae sos sugetos chi ant custu còmpitu. Bois podides esertizare sos diritos postos in sos artìculos 15, 16, 17, 18, 19, 20, 21, 22 (atzessu, retìfica, cantzelladura, limitatzione de su tratamentu, notìfica, portabilidade de sos datos, oposizione, de no èssere sutapostu a una detzisione leada solu in su tratamentu automatizadu, (finas sa profilatzione), previstos dae su GDPR 2016/679.

Sas àteras informatziones in prus pro sa protetzione de sos datos si podent agatare in su situ:

<https://comuneolbia.amministrazioneaperta.it/dati-ulteriori-regolamento-generale-sulla-protezione-dei-dati-gd-/>.

Referente: Dirigente de su Settore Promotzione de sa Cultura, de s'Isport, de su Turismo e de s'Istruzione, c/o Museu Archeològicu de Terranoa, Piaale Benedetto Brin n.1 , 07026 Terranoa.

Pro àteras informatziones: servizioculturaesport@comune.olbia.ot.it

Indiritzu PEC: protocollo@pec.comuneolbia.it

- telèfono 0789-28290 fax 0789-52330.

Art. 17 - CLÀUSOLA FINALE

Pro totu cussu chi no est in custu bandu si devet abbaidare su “Regulamentu pro sa cuntzessione de contributos, patrotzìnios e àteros benefitzios econòmicos”, aprovalu cun Deliberatzione de su Consizu Comunale n.19 de su 16 de su mese de frearzu de su 2015 e ss.mm.ii.

Su DIRIGENTE
Dr.a Annamaria Manca

**Tradutzione a cura de s’Isportellu de Limba Sarda
Progetu “Tarranóa e Terranoa ” – annualidade 2022
Finantziadu dae sa RAS cun sa L.482/99 e cun sa L.R. 22/201**

